



## UNIVERSITI TEKNOLOGI MALAYSIA

**Kursus:** Nilai & Jati Diri  
**TUGASAN INDIVIDU (20%)**

**Pensyarah:** Dr. Siti Zaleha Daud  
**Tarikh Hantar:** Minggu ke-5 Kuliah

Berdasarkan kepada pengalaman dan pemerhatian terhadap keluarga/ masyarakat/ institusi/ organisasi/ negara/ luar negara, **sediakan satu situasi** yang memberikan kesan kepada diri anda dalam mengekalkan nilai & jati diri anda. Situasi tersebut merupakan situasi yang melibatkan keadaan apabila mendesak, individu terlibat terpaksa membuat tindakan tidak berintegriti. Contoh situasi 1 hingga 3 merupakan situasi yang boleh digunakan sebagai panduan.

### **SITUASI 1**

Mumu seorang yang baik dan rajin di sekolah. Dia selalu membantu rakan-rakannya di sekolah dalam pelajaran. Rakan baik Mumu, iaitu Mimi ingin meniru semasa menduduki peperiksaan. Mumu maklum bahawa Mimi tidak hadir ke sekolah sejak kebelakangan ini disebabkan oleh masalah kesihatan. Mumu hanya mendiamkan diri sahaja apabila mengetahui perancangan Mimi kerana tidak mahu menyusahkan lagi hati Mimi.

### **SITUASI 2**

Zalin seorang yang amanah. Dia merupakan bendahari Kelab Kewangan di sekolahnya. Suatu hari, adik Zalin terlibat dengan kemalangan jalan raya. Keluarganya memerlukan wang untuk merawat adiknya itu. Dalam keadaan terdesak Zalin telah menggunakan duit kelab. Pada penghujung bulan, Zalin memulangkan wang tersebut.

### **SITUASI 3**

Kiki merupakan seorang pelajar universiti yang perlu bekerja sambil belajar demi menampung sara hidupnya dan keluarganya. Demi kelangsungan hidup sepanjang pandemik Covid 19, masa Kiki banyak dihabiskan untuk mencari pendapatan tambahan sebagai pemandu Grab. Dalam keadaan yang sibuk mencari sumber pendapatan, Kiki banyak bergantung kepada aplikasi <https://chegg.my.aptoide.com/app> dalam menyiapkan tugas. Oleh kerana kesibukan Kiki mencari sumber pendapatan tambahan, Kiki tidak sempat untuk membuat persediaan dalam menghadapi Ujian dan Peperiksaan. Dalam keadaan terdesak, Kiki telah menggunakan aplikasi tersebut untuk menjawab soalan ujian dan juga peperiksaan yang telah dibuat secara atas talian.

Berdasarkan situasi yang telah anda sediakan:

- 1) Menurut pandangan anda, adakah tindakan individu yang terlibat dalam situasi tersebut adalah wajar? Berikan justifikasi.
- 2) Huraikan nilai-nilai jati diri yang telah hilang berdasarkan situasi tersebut.
- 3) Apakah nilai sejagat yang harus ada pada diri anda untuk mengelakkannya?
- 4) Lakukan sumbang saran untuk menangani situasi tersebut berdasarkan kepada integriti individu yang ada pada diri anda.

#### **PANDUAN LAPORAN INDIVIDU**

Laporan adalah dalam bentuk innteraktif yang mana pelajar boleh menggunakan grafik seperti gambar, carta alir, carta buih, dan sebagainya (boleh gunakan perisian Power Point, Canva, atau lain-lain) untuk menyampaikan kandungan di bawah.

- a) **Latar Belakang Situasi** yang telah dipilih sebagai situasi yang mendesak individu untuk membuat perkara yang tidak berintegriti. Penulisan disokong dengan penerangan yang bersesuaian bagi menjelaskan situasi yang dibincangkan.
- b) **Nilai-nilai Jati Diri yang Hilang** – nilai jati diri yang telah hilang di kalangan individu yang terlibat dalam menghadapi situasi tersebut. Nilai jati diri yang dibincangkan perlu bersesuaian dengan situasi yang disediakan beserta contoh-contoh untuk menyokong penerangan nilai-nilai jati diri yang hilang.
- c) **Nilai Universal** – nilai yang perlu ada pada untuk mengelakkan perkara tidak berintegriti berlaku. Nilai universal yang dibincangkan perlu bersesuaian dengan situasi yang disediakan beserta contoh-contoh untuk menyokong penerangan nilai universal tersebut.
- d) **Sumbang Saran** – cadangan untuk mengatasi situasi yang disediakan. Sumbang saran yang dibincangkan perlu bersesuaian dengan situasi yang disediakan serta dapat mengaitkannya dengan iniatif semasa yang telah dibuat di pelbagai peringkat.
- e) **Kesimpulan dan Refleksi Diri** – rumuskan secara keseluruhan situasi yang telah disediakan serta berikan refleksi diri terhadap nilai dan jati diri berdasarkan input yang diperolehi dari Ceramah Perdana pada minggu ke-3 dan ke-4. Kesimpulan dan refleksi mesti jelas dan berkaitan dengan situasi yang disediakan serta dapat merumuskan nilai dan jati diri dalam bentuk holistik. Penulisan refleksi perlu mengikut format Rangkakerja 5R oleh Bai et al. (2002) yang mengandungi komponen *report, respond, relate, reason and reconstruct*.
- f) **Rujukan** – sekurang-kurangnya terdapat 3 rujukan terkini digunakan dalam menyediakan laporan individu. Senarai rujukan boleh terdiri dari pelbagai sumber sebagai contoh bahan internet dan terkini, sumber buku, jurnal, serta keratan akhbar dan risalah.

Penilaian laporan individu ini adalah **20% daripada markah penuh kursus**. Laporan ini akan dinilai berdasarkan kepada rubrik yang telah disediakan. Panjang laporan adalah 6 – 10 muka surat/slide. Laporan ini boleh ditulis di dalam Bahasa Melayu atau Bahasa Inggeris. Laporan ini perlu dihantar pada **Minggu ke-5 dan dimuat naik ke E-Learning**.